



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session extraordinària de 22 de deseme de 2025, adoptèt, entre d'auti, er acòrd següent e que transcrit literaument ditz:

“1èr.- APROBACION, SE PROCEDÍS, DETH PLEC DE CLAUSULES ADMINISITRATIVES PARTICULARES, DER EXPEDIENT DE CONTRACTACION E DERA LICITACION PRIVADA DETH PATROCINI DETH FREERIDE WORLD TOUR 2026.- (Exp. num. 1291-0009/2025)

Vista era prepausa deth conselhèr d'Espòrts deth Conselh Generau d'Aran de 10 de deseme de 2025 ena quau se da compde deth besonh de realizar eth contracte privat de patrocini de “Freeride World Tour Baqueira Beret 2026”.

Vist que per Decret de Sindicatura num. 0652/2025, d'11 de deseme de 2025, ena quau se demane informe per part dera Secretaria Generau e dera Intervencion de Hons.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Vist er informe favorable tamb observacions de Secretaria

Visti eth Plec de clausules administratives particulars e eth plec de prescripcions techniques particulars redactadi.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth patrocini a contractar ei previst ena aplicacion pressupostària num. 2026/01.341.226.99 deth pressupòst generau vigent entar exercici 2026.

Cossent damb çò que dispausen es articles 26.1, 28, 116, 117, 122, 164.1.b), 166 e 168.a).2º dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 16 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars e eth Plec de prescripcions techniques particulars qu'an de regir era contractacion privada de patrocini deth “Freeride World Tour Baqueira Beret 2026” plects que s'adjunhen coma





annèxe en expedient e que demoraràn a disposicion des personas fisiques e/o juridiques interessades.

Dusau.- Aprovar er expedient entara contractacion privat de patrocini deth “Freeride World Tour Baqueira Beret 2026”, mejançant procediment negociat sense publicitat prealabla per rason d'exclusivitat, damb tramitacion urgenta, cossent damb çò previst enes art. 28, 116, 117 e 164.1.b) dera Lei 9/2017, de 8 de noveme, de Contractes deth Sector Public, atau coma era despena corresponenta ad aguesta contractacion per un pressupòst totau de cinquanta mil euros (50.000,00 €) IVA includit, damb eth desglossament següent:

- quaranta un mil tres cents vint-e-dus euros damb trenta un centims (41.322,31 €), en concèpte de valor estimat o pressupòst net e,
- ueit mil sies cents setanta sèt euros damb seishanta nau centims (8.677,69 €) en concèpte d'IVA ath 21%.

Tresau.- Dispausar era dubertura deth procediment negociat sense publicitat de contractacion, en tot sollicitar ua (1) unica ofèrta, sus era basa der informe deth conselhèr d'Economia, Torisme e Promocion Economica deth Conselh Generau d'Aran ara empresa BAQUEIRA BERET SA, en èster era titular dera estacion d'esqui en que se disputarà era pròva, en tot fixar eth dia 1 de gèr de 2026, tàs 23.59 ores, coma data maxima entà poder negociar es condicions e realizacion der objècte deth contracte e presentacion dera aufèrta cossent damb çò que dispausa er article 166.1 dera Lei 9/2017, de 8 de noveme, de Contractes deth Sector Public.

Quatau.- Facultar era sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatx dera Sindica.

Vielha, *signat electronicament*

Vist e platz
Era Sindica

Maria Vergés Pérez